

Allanngutissatut siunnersuut

uunga

**Uunga siunnersuut: Aatsitassat pillugit ingerlatallu tamatumunnga pingaarutillit pillugit Inatsisartut inatsisaata nr. 7, 7. december 2009-meersup**

**allannguuteqartinnissaa pillugu Inatsisartut inatsisissaat (aatsitassanut inatsit)**

(Annikitsumik aatsitassarsiorluni misissuineq paaanerlu, akuersissummik peqarani aatsitassanik katersisarneq paaasarnerlu aammalu inuiaqatigiinni piujuartussamik iluaqutaasumik sunniuteqartitsisarneq pillugit il.il. aatsitassanut oqartussaaneq pillugu maleruagassanik allannguuteqartitsineq)

Aappassaaneerpeqarneranut Naalakkersuisunit saqqummiussaq

Qulequtaanut

1. Qulequtaa ima oqaasertalerneqassaaq:

**“Uunga siunnersuut: Aatsitassat pillugit ingerlatallu tamatumunnga pingaarutillit pillugit Inatsisartut inatsisaata nr. 7, 7. december 2009-meersup**

**allannguuteqartinnissaa pillugu Inatsisartut inatsisissaat nr. xx, yy 2012-imeersoq (aatsitassanut inatsit)**

(Annikitsumik aatsitassarsiorluni misissuineq paaanerlu, akuersissummik peqarani aatsitassanik katersisarneq paaasarnerlu aammalu inuiaqatigiinni piujuartussamik iluaqutaasumik sunniuteqartitsisarneq pillugit il.il. aatsitassanut oqartussaaneq pillugu maleruagassanik allannguuteqartitsineq)”

§ 1-imut

Normu nutaaq

2. Nr. 1 sioqqullugu normutut nutaatut ilanngunneqassaaq:

“01. § 1, imm. 2 imatut oqaasertalerneqassaaq:

” Imm. 2. Inatsisartut inatsisaatigut anguniagaassaaq suliniutit inatsimmut ilagitinneqartut isumannaallisaaneq, peqqissuseq, avatangiisit, pisuussutinik atuinermi inuiaqatigiinnilu piujuartitsineq eqqaarsaatigalugit naammassiniarneqartassasut aamma pissutsinut nallersuunneqarsinnaasunut naleqquttumik naapertuuttumillu nunani tamalaani akuerisaasumik pitsaasumik ingerlatseriaatsit malillugit.””.

3. Nr. 1-ip ataani § 3 a-tut siunnersuutigineqartutut ima oqaasertalerneqassaaq:

" § 3 a. Aatsitassanut oqartussaasut, tak. § 3, imm. 1, tassaapput Aatsitassanut Aqutsisoqarfik, tak. imm. 2, aamma Aatsitassanik Suliassaqaqarfinnut Avatangiisinut Aqutsisoqarfik, tak. imm. 3.

*Imm. 2.* Aatsitassanut Aqutsisoqarfik aatsitassanik suliassaqaqarfinnut nalinginnaasumik allaffissornikkut oqartussaavoq, avatangiisinut pissutsinut tunngasut ilanngunnagit, tak. imm. 3.

*Imm. 3.* Aatsitassanik Suliassaqaqarfinnut Avatangiisinut Aqutsisoqarfik (Avatangiisinut Aqutsisoqarfik) aatsitassanik suliassaqaqarfinnut tunngasuni avatangiisinut tunngasuni allaffissornikkut oqartussaavoq, tamakkununga ilaallutik avatangiisinik allannngutsaaliuineq, pinngortitamik allannngutsaaliuineq, avatangiisinut akisussaasuuneq aamma avatangiisinik nalilersuisarneq.

*Imm. 4.* Aatsitassanut oqartussaasup avatangiisinut pissutsinut tunngasuni nalilersuisarnerni aalajangiisarnernilu avatangiisinut sullissivimmit ataatsimit arlalinnilluunniit ilisimatuussutsikkut arlaannullu attuumassuteqaqngitsup aalajangiinissamut nalilersuinerit missingiutillu tunngavigisarpai.

*Imm. 5.* Aatsitassanut suliassaqaqarfinnut tunngasuni ingerlatsineq oqartussatullu sularinninneq pisinnaatitsissummik pigisaqartup allallu oqartussamik ataatsimik attaveqaqatigiittarneq tunngavigalugu aaqqissuunneqarpoq, oqartussamillu taassumanga nalunaarutit, allakkiat aalajangikkallu tamaasa il.il. tigusarlugit. Aatsitassanut Aqutsisoqarfiup pisinnaatitsissummik pigisaqartup allallu inatsisartut inatsisaanni matumani attuumassuteqartut allat tungaannut aatsitassanut suliassaqaqarfiit pillugit allaffissornikkut attaveqaqatigiittarneq isumagisarpai.

*Imm. 6.* Aatsitassanut Aqutsisoqarfik ingerlatsinermi oqartussatut ataqatigiissaarisuuvoq, Avatangiisinullu Aqutsisoqarfimmit oqaaseqaatit aalajangikkallu pisariaqartut pissarsiarisarlugit. Suliassat sammineqarneri aalajangikkallu pillugit Avatangiisinut Aqutsisoqarfik aamma Aatsitassanut Aqutsisoqarfik ingerlaavartumik imminnut ilisimatitseqatigiittuartaassapput.

**4. Nr. 1-ip** ataani § 3 b, *imm. 1-itut* siunnersuutigineqartutut ima oqaasertalerneqassaaq:

” § 3 b. Aatsitassanut Aqutsisoqarfimmi imaluunniit Avatangiisinut Aqutsisoqarfimmi aalajangiussamik maalaaruteqarneq Naalakkersuisunut maalaarutaasinnaavoq.

Maalaarsinnaatitaasut tassaapput:

- 1) Suliarni pineqartumi akuusoq.
- 2) Kikkut tamarmik, suliap pineqartup kinguneqarnissaanik pingaarutilimmik inuttut namminertut soqutigisaqartutut naatsorsuutigineqarsinnaasut.
- 3) Peqatigiiffiit aamma kattuffiit, malittarisassiatik naapertorlugit sukisaarsarnikkut, avatangiisitigut aamma pinngortitakkut soqutigisarisanik imaluunniit inuiaqatigiinnut tunngasunik pingaarutilinnik soqutigisarisanik isumaginninnissamik siunertaqartut.”

**5. Nr. 1-ip** ataani § 3b, *imm. 2, 1. pkt.* ima oqaasertalerneqassaaq:

”Maalaaruteqarnissamut piffissarititaq sapaatip akunneri 6-inik sivilissuseqarpoq.”

**6. Nr. 1**-ip ataani § 3 c-tut siunnersuutigineqartutut ima oqaasertalerneqassaaq:  
" § 3 c. Pissutsit §§ 3-3 b-mi taaneqartut pillugit Naalakkersuisut maleruagassanik erseqqinnerusunik aalajangersaasinnaapput, tamakkununga ilaallutik Aatsitassanut Aqutsisoqarfimmit imaluunniit Avatangiisinut Aqutsisoqarfimmit aalajangerneqarsimasut ilutsit ilaat pillugit maalaarutit aamma maalaarsinnaanermut killilersuutit pillugit, takukkilli imm. 2-5.

*Imm. 2.* Aatsitassanik misissuinissamut paaanissamullu akuersissutit pillugit tunniussinerit, allannguutit pingaaruteqartut, tunisinerit, akuersissummillu utertitsineq aamma utertitsinissamut akuersinerit pillugit Naalakkersuisut aalajangiisartuupput.

*Imm. 3.* Pissutsit inuiaqatigiinnut imaluunniit avatangiisinut pingaarutilimmik sunniuteqarsinnaasut pillugit Naalakkersuisunit aalajangerneqartarput, aalajangikkat aalajangersimasut Aatsitassanut Aqutsisoqarfimmit imaluunniit Avatangiisinut Aqutsisoqarfimmit aalajangiiffigineqartussanngorlugit Naalakkersuisut maleruagassanik aalajangiisimanngippata.

*Imm. 4.* Aatsitassanut Aqutsisoqarfiup aamma Avatangiisinut Aqutsisoqarfiup suliassai pisinnaatitaanerilu pillugit maleruagassanik erseqqinnerusunik Naalakkersuisut aalajangiisinnaapput, tamakkununga ilaallutik taakku aalajangiisinnaanermut pisinnaatitaaffii, takukkilli imm. 2, 3 aamma 5.

*Imm. 5.* Misissueqqaarnissamut akuersissutit, tak. kapitali 4, imaluunniit annikitsumik aatsitassarsioarnissamut aatsitassanik misissuinissamut imaluunniit paaanissamut akuersissutit pillugit aalajangikkat, tak. kapitali 8, Aatsitassanut Aqutsisoqarfimmit imaluunniit Avatangiisinut Aqutsisoqarfimmit aalajangerneqassapput, aalajangigassat inuiaqatigiinnut imaluunniit avatangiisinut pingaarutilimmik sunniuteqartussaanngippata, tak. imm. 3."

#### Normu nutaaq

**7. Nr. 1**-ip kingorna normu nutaaq ikkunneqassaaq:

"**02.** § 4-mi imm. 2-p kingorna immikkoortutut nutaatut ilanngunneqassaaq:

" *Imm. 3* Sammisanik aalajangiussisoqartinnagu inuiaqatigiinnut imaluunniit avatangiisinut pingaarutilimmik sunniuteqarsinnaasut pissutsit pillugit sammisanik Inatsisartut ataanni ataatsimiititaliamut pingaarutilimmut Naalakkersuisut ilisimatsitsissapput.""

#### Normu nutaaq

**8. Nr. 02** normutut nutaatut ikkunneqassaaq:

"**03.** § 18, *imm. 1, 1. pkt.*-imi aamma § 18, *imm. 2, 1. pkt.*-imi "pisinnaavoq"-mit "pissaaq"-mut allanngortinneqassaaq."

**9. Nr. 3** imatut oqaasertalerneqassaaq:

" § 18, *imm. 6* imatut oqaasertalerneqassaaq:

” *Imm. 6.* Naalackersuisut imm. 1-5-imi pissutsit pineqartut pillugit erseqqinnerusunik aalajangersakkanik aalajangiisinnaapput, ilanngullugit Kalaallit Nunaannit sulisartut, Kalaallit Nunaannit suliffeqarfiit aamma inuit imm. 4-p ataani aaliangersakkanik sinaakkusersorneqarnissaat pillugit.””.

**10. Nr. 4** imatut oqaasertalerneqassaaq:

” § 32, *imm. 2-7* imatut oqaasertalerneqassaaq:

” *Imm. 2.* Annikitsunik ujaasinissamut atuinissamullu akuersissut (annikitsunut akuersissut) § 16, *imm. 3-mi* allassimasoqaraluartoq taamaallaat *imm. 3-mi* piumasaqaatinik naapertuutsisisunut timitaliisutut inunnut, aammalu *imm. 9-mi* piumasaqaatinik naapertuutsisisunut katersugaasivinnut taamaallaat akuersissutigalugit nalunaarutigineqarsinnaapput.

*Imm. 3.* Annikitsunut akuersissut taamaallaat piumasaqaatinut timitaliisutut inummut makkuninnga piumasaqaatinik naammassinnissimasunut nalunaarutigineqarsinnaavoq:

- 1) Inuk Kalaallit Nunaanni tamakkiisumik piffissami, ukiunik siuliinik tallimanik minnerpaamik ataannartumik inunnik nalunaarsuiffimmi najugaqarsimassaaq.
- 2) Inuk Kalaallit Nunaanni inunnik nalunaarsuiffimmi najugaqartuuvoq.
- 3) Inuk Kalaallit Nunaanni tamakkiisumik piffissami, ukiunik siuliinik tallimanik minnerpaamik ataannartumik tamakkiisumik akileraartussatut pisussaataasimassaaq.
- 4) Inuk Kalaallit Nunaannut tamakkiisumik akileraartussatut pisussaataavoq.
- 5) Inuk inersimalersimassaaq, aningaasaatiminillu tamakkiisumik atuisinnaaffeqarluni, aammalu tassuunakkut akilersuiunnaarsimassanani imaluunniit akiliisinnaajunnaarluni nalunaarutigineqarsimassanani, imaluunniit tamatumunnga sanilliunneqarsinnaasutut atugaqarani.

*Imm. 4.* Naalackersuisut *imm. 3, nr. 1-imi* aamma *3-mi* Kalaallit Nunaannut inuup attuumassuteqarnera aallaavigalugu naammaginartutut nalilerneqarpat, aammalu ilinniagaqarnermut tunngasunik patsiseqartumik imaluunniit assingusumik Kalaallit Nunaata avataani najugaqarsimappat ukiut minnerpaamik *5-inik* piffissarititat pillugit piffisatigut piumasaqaataasunit tamakkiisumik imaluunniit ilaannakortumik sanioqqutsisinnaapput.

*Imm. 5.* Inuk annikitsunut akuersissut naapertorlugu pisinnaatitaaffeqartoq akuersissuteqarfittut piffissami tamarmi *imm. 3-mi* piumasaqaataasunik naammassinnissimassaaq.

*Imm. 6.* Annikitsunut akuersissut katersugaasivimmud tassaasumut Kalaallit Nunaata Katersugaasivia, imaluunniit katersugaasiveqarneq pillugu inatsisit naapertorlugit katersugaasivimmud akuerisaasumut nalunaarutigineqarsinnaavoq. Katersugaasivik kisermaassisinnaatitaaffeqanngitsumik annikitsunut akuersissummik taamaallaat nalunaarfigineqarsinnaavoq.

*Imm. 7.* Annikitsunut akuersissut naapertorlugu katersugaasivik pisinnaatitaaffeqartoq akuersissuteqarfiup nalaani tamarmi *imm. 6, 1. pkt.-imi* piumasaqaammik naammassinnissimassaaq.””.

**11. Nr. 6** imatut oqaasertalerneqassaaq:

” § 34, imm. 2-7 imatut oqaasertalerneqassaaq:

” *Imm. 2.* Kisermaassisinnaatitaaffeqarluni annikitsunut akuersissummut akuersissuteqarfiusoq 1 km<sup>2</sup> sinnerlugu annertussuseqarsinnaanngilaq.

*Imm. 3.* Kisermaassisinnaatitaaffeqanngitsumik annikitsunut akuersissummut akuersissuteqarfiusumiinngillat immikkoortortat kisermaassisinnaatitaaffeqarluni annikitsunut akuersissuteqarfiusut imaluunniit annikitsunut akuersissuteqarfinnut ilaasut.

*Imm. 4.* Kisermaassisinnaatitaanani annikitsunut akuersissummut akuersissuteqarfiusumut ilaanngillat § 16 naapertorlugu aatsitassarsiornermut imaluunniit aatsitassanik atuinnermut immikkoortortat akuersissuteqarfiusut imaluunniit akuersissummik nalunaaruteqarfiusut.

*Imm. 5.* Qaqugukkulluunniit atuutsinneqarsinnaasunik annikitsunut akuersissutaasut amerlanerpaaffissaat pillugit Naalakkersuisut aalajangersakkanik aalajangiussisinnaapput.

*Imm. 6.* § 33 naapertorlugu annikitsumik akuersissut piffissamut ukiut 3-t tikillugit nalunaarutigineqarsinnaavoq.

*Imm. 7.* Pisinnaatitaaffeqartoq, kisermaassisinnaatitaaffeqarluni annikitsumik akuersissuteqarnermi nalaani aningaasarsiutigineqarsinnaasunik nassaarisanik takussutissiisimappat nassaarisanillu atuinnermik aallartitsisimappat, sinnerisigullu akuersissummi nalunaarsukkatut piumasaqaataasut naammassineqarsimappata ukiut 10-t tikillugit akuersissuteqarfiusup sivitsortarnissaanut pisinnaatitaaffeqarpoq. Akuersissuteqarfittut piffissap tamarmiusup ukiut 30 qaangersimassanngilaat.””.

**12. Nr. 7** imatut oqaasertalerneqassaaq:

” § 35 imatut oqaasertalerneqassaaq:

” § 35. Pisinnaatitaaffeqartoq tassaappat inuk ataaseq, annikitsunut akuersissut taamaallaat taassuminnga inummit imaluunniit taassuma inuup inoqutaanit ujarassiorneq atuinerlu ingerlanneqarsinnaapput, taamaattorli imm. 4 aamma 5 takukkit.

*Imm. 2.* Pisinnaatitaaffeqartoq tassaappat inunnik arlalinnik inuttaqartoq, annikitsunut akuersissut taamaallaat taakkuninnga inunnit imaluunniit taakkua inuit inoqutaani ujarassiorneq atuinerlu ingerlanneqarsinnaapput, taamaattorli imm. 4 aamma 5 takukkit.

*Imm. 3.* Pisinnaatitaaffeqartoq tassaappat katersugaasivik, annikitsunut akuersissut taamaallaat katersugaasiviup pisortaqarfiani ilaasortaasunit imaluunniit katersugaasivimmi aalajangersimasutut atorfeqartunit ujaasisoqarneq atuinerlu ingerlanneqarsinnaapput, taamaattorli imm. 5 takuuk.

*Imm. 4.* Piffissami ataatsikkut akuersissuteqarfiusumi inunnik 9-nik tikillugit kisermaassisinnaatitaalluni annikitsumik akuersissummik pisinnaatitaaffeqartup suliaqartissinnaaneranut Naalakkersuisut akuersissummik nalunaaruteqarsinnaapput, taamaattorli imm. 5 takuuk.

*Imm. 5.* Ingerlatanik inuit 10-t sinnerlugit akuersissuteqarfiusumi piffissami ataatsikkut suliaqarsinnaatitaassanngillat. Inuit tassaappata pisinnaatitaaffeqartoq, pisinnaatitaaffeqartup pisortaqarfiani ilaasortaasut, pisinnaatitaaffeqartup atorfinitsitai, pisinnaatitaaffeqartup imaluunniit pisortap inoqutai ilaasortat, imaluunniit inuit allat pisinnaatitaaffeqartumit

suliaqartitaasut pineqaraluarpataluunniit tamanna atuutissaaq.””.

**13. Nr. 8** imatut oqaasertalerneqassaaq:

” § 36, imm. 3-5 imatut oqaasertalerneqassaaq:

” *Imm. 3.* Kisermaassisinnaatitaaffe qarani annikitsunik akuersissutit naapertorlugit aatsitassarsiornermi ingerlatat taamaallaat assammik sakkut tigummiarneqarsinnaasut, mekaniskiuunngitsunik, soorlu assersuutigalugit kaattatut, qussaataatut, kuupiiut ikuttaatitullu ittunik suliarineqaqqusaapput, taamaattorli imm. 4 takuuk.

*Imm. 4.* Kisermaassisinnaatitaaffe qarani annikitsunik akuersissutillit annikitsumik qaartiterinermit akuersissummik Naalakkersuisut nalunaaruteqarsinnaapput. Taamatut akuersissuteqarneq naapertorlugu aatsitassarsiornermik ingerlatat aamma sakkut assassorluni atortut, mekaniskiusunik atugaqarluni ingerlanneqarsinnaapput, assersuutigalugit qillerutit, avitsissutit sequtserutillu atornerisigut, aammalu annikitsumik qaartitserinikkut.

*Imm. 5.* Annikitsumik qaartiterinerup atorneqarnissaa aamma taassuminnga akuersissuteqarneq pillugit Naalakkersuisut aalajangersakkanik aalajangersuissapput.””.

**14. Nr. 9** imatut oqaasertalerneqassaaq:

”§ 45 imatut oqaasertalerneqassaaq:

” § 45. Inuk Kalaallit Nunaanni aalajangersimasumik najugalik tamakkiisumillu akileraartussaataaasoq (najugaqavissoq) akuersissummik tamatumunnga pisariaqartitsinngitsumik inuussutissarsiummut atugassaannngitsumik aatsitassanik kaanngarsimasunik katersuisinnaavoq, taamaattorli §§ 45 c aamma 45 d takukkit.

*Imm. 2.* Imm. 1 naapertorlugu aatsitassat katersorneqarsimasut nioqqutiginnissaat imaluunniit nioqqutiginnissaat siunertaralugu suliarineqarnissaat kissaatigineqarpata aatsitassanik katersuivigisamut kapitali 8-mi maleruagassat naapertorlugit aatsitassanik atuinissamut annikitsunut akuersissummik qinnuteqartoqarsinnaavoq.

*Imm. 3.* § 16 naapertorlugu aatsitassarsiornermut imaluunniit aatsitassanik atuinermut kisermaassisinnaatitaaffe qararluni akuersissiummut, imaluunniit § 33 naapertorlugu aatsitassarsiornermut imaluunniit aatsitassanik atuinermut kisermaassisinnaatitaaffe qararluni annikitsunut akuersissiummut atasuuppat immikkoortumut imm. 2-mi pineqartumut annikitsunut akuersissummik nalunaaruteqartoqarsinnaanngilaq.

*Imm. 4.* Taamaattorli kisermaassissusaataa nermit akuersissut naapertorlugu pisinnaatitaaffe qartumit allakkatigut akuersissut tamatumunnga nalunaarutigineqarsimappat, aammalu tamatuminnga qinnuteqarluni akuersissutip Naalakkersuisunut tunniunneqarneratigut uppersarneqarsinnaappat imm. 2-mi pineqartumut annikitsunut akuersissut nalunaarutigineqarsinnaavoq.””.

**15. Nr. 10** imatut oqaasertalerneqassaaq:

”§ 45-ip kingorna ikkunneqassaaq:

” § 45 a. § 45, imm. 1 naapertorlugu najugaqavissoq tassunga akuersissummik piunasaqaateqanngitsumik ukiumut 100.000 kr.-t sinnernagit aatsitassat tamakkiisumik

nalingat annertunerungippat aatsitassanik kaanngarnikunik aamma aatsitassanik piiaanermik inuussutissarsiutigalugu katersuisinnaavoq, taamaattorli §§ 45 c aamma 45 d takukkit. Piianeq taamaallaat assassorluni sakkut atortut atorlugit annikinnerusunik, mekaniskiuungitsunik, assersuutigalugit kaattatut, qussaataatut, kuupiiut ikuttaatitullu ittunik sakkoqarluni pisinnaavoq.

*Imm. 2.* Imm. 1 naapertorlugu aatsitassat katersorneqartut imaluunniit piiarneqartut nalingat nioqquteqarfimmi akinut tunisinerni aammalu nioqquteqarfimmi piumasaqaataasuni tunisaqarnermut akitut assingusumut akimut aalajangerneqassapput.

*Imm. 3.* Imm. 1 naapertorlugu aatsitassat katersorneqartut imaluunniit piiarneqartut nalingat tamarmiusoq ukiumut 100.000 kr.-t sinnersimappagit aatsitassat nalimikkut 100.000 kr.-t sinnerlugit annertunerusunik naleqartillugit Naalakkersuisunit nakkutigisaanikkut toqqortarineqassapput.

*Imm. 4.* Inuk imm. 3 naapertorlugu aatsitassanik toqqortaqaarsimasoq immikkoortortamut aatsitassanik katersuiffigisamut imaluunniit piiaffigisamut kapitali 8-mi maleruagassat naapertorlugit aatsitassat atugarinissaanut annikitsunut akuersissummik qinnuteqarsinnaavoq.

*Imm. 5.* Imm. 4-mi pineqartut annikitsunut akuersissut nalunaarutigineqassappat Naalakkersuisut aatsitassat toqqortarineqartut pisinnaatitaaffeqartumut tunniutissavaat. Taamatut annikitsumik akuersissut nalunaarutigineqanngippat, imaluunniit toqqorsinerup ulluanit qaammatit 12-it qaangiutsinnagit annikitsumik akuersissummik taama ittumik nalunaaruteqarnissamut qinnuteqartoqarsimanngippat Naalakkersuisut aatsitassat toqqortarineqartut tunissavaat. Aatsitassanik tunisinermit isertitat Nunatta Karsianut tussapput.

*Imm. 6.* Inatsisartut inatsisaata matuma atuutilernerata kingornatigut ukiumi 1. januaarimi atuutsilertutut imm. 1-imi aamma 2-mi aki 100.000 kr.-usoq Kalaallit Nunaanni atuisartunut akigitat allattorsimaffianni allannguutaasunut naapertuutsillugu ukiumoortumik iluarsineqartassaaq.

**§ 45 b.** §§ 45-45 a naapertorlugit § 16 naapertorlugu immikkoortortami aatsitassarsiornermut imaluunniit aatsitassanik atuinermut kisermaassisinnaatitaaffeqarluni akuersissummut ilaasumi, imaluunniit § 33 naapertorlugu aatsitassarsiornermut imaluunniit aatsitassanik atuinermut kisermaassisinnaatitaaffeqarluni annikitsunut akuersissummut ilaasumut katersuisoqarsinnaananiluunniit piiasoqaqqusaanngilaq.

*Imm. 2.* Taamaattorli immikkoortortami taama ittumi katersuisinnaasoqarlunilu piiasoqarsinnaavoq tamatumunnga akuersissutaasoq naapertorlugu pisinnaatitaaffeqartumit allakkatigut akuersissummik nalunaaruteqartoqarsimappat, tamannalu pillugu tamatuminnga qinnuteqartoqarneratigut akuersissutip Naalakkersuisunut tunniunneqarneratigut uppersarneqarsinnaappat.

**§ 45 c.** §§ 45-45 a naapertorlugit aatsitassanik katersugaqarsinnaanermut piiasinnaanermullu ilaangillat diamantit, safirit, rubinik, smaragdit, chrysoberylit, opali aamma aatsitassat radioaktiviusut.

*Imm. 2.* §§ 45-45 a naapertorlugit katersisinnaatitaanermi imm. 1-imi taaneqartunut naleqqiullugit aatsitassat allat ilaatinneqannginnerat pillugit Naalakkersuisut aalajangersakkanik aalajangiisinnaapput.

**§ 45 d.** §§ 45-45 a naapertorlugit aatsitassanik kaanngarsimasunik aamma aatsitassanik piiaanernut tunngasunik, ilanngullugit suliarinninnermut, inissiisarnernut, toqqortaqaartarnernut, assartuussisarnernut, nioqquteqaarnermut, nunap avataanut tunisinernut, nunamut eqqussuinnermut aamma uppersaasarsuinnermut tunngasunik Naalakkersuisut erseqqinnerusunik aalajangersakkanik aalajangersaasinnaapput.

**§ 45 e.** § 33 naapertorlugu inuk annikitsunut akuersissummik nalunaaruteqarfiusimasoq Naalakkersuisunit akuersissuteqareernerup kingorna Kalaallit Nunaata sarngata takutinniarnissaa siunertaralugu najugaqavissunut aamma takornarianut siulersugaqarluni angalaartitsinernik aaqqissuusaqarsinnaavoq.

*Imm. 2.* Imm. 1-imi pineqartutut ingerlatat pillugit Naalakkersuisut erseqqinnerusunik aalajangersakkanik aalajangersaasinnaapput..

**§ 45 f.** Avammut anissaqarnissamik siunertaqarlutik najugaqavissuunngitsut aamma takornariat aatsitassanik katersueqqusaanngillat.””.

**16. Nr. 12** ima oqaasertalerneqarpoq:

" § 78-p kingorna kapitali 16-imi ilanngunneqassaaq:

" **§ 78 a.** § 16 malillugu akuersissummi Naalakkersuisut piumasaqaatit aalajangissavaat, pisinnaatitsissummik pigisaqartoq inuiaqatigiinni akornutaanngitsumik piujuartussamik aamma pissutsit inuiaqatigiinni aningaasarsiornermut tunngasut pillugit qanoq annertutigisumik isumaqatigiissutinik akuersissasoq eqquutsitsillunilu.

*Imm. 2.* Isumaqatigiissut imm. 1-imi taaneqartoq pisinnaatitsissummik pigisaqartup § 18, imm. 1-4 malillugu pisinnaatitaaffinnik eqquutsitsinissaa pillugu isumaqatigiissutinut tunngasuusinnaavoq, ilaatigullu sulisartunik kalaallinik ilinniartitsinissaq imaluunniit ilinniartitseqqinnissaq pillugu malerugassanik imaqarsinnaalluni.” ”.

#### Normu nutaaq

**17. Nr. 12-ip** kingorna normutut nutaatut ikunneqassaaq:

”**04.** § 86, *imm. 3-mi 2. pkt.-ip* kingornatigut uniffittut nutaatut ikkunneqassaaq:

”Pisinnaatitaaffeqartup taassuma suliffeqarfiutilittaasa, sullissinermik suliaqartuutitaasa, pilersuisuisa il.il. akileraartarnermut tunngasunik pissutsinut tunngasunik paasissutissiisarnissaannik allagaatinillu tunniussisarnissaasa, aammalu Kalaallit Nunaanni qaqugumulluunniit atuuttut maleruagassanut naapertuuttunik akileraarutinik akiliisarnissaasa isumannaarinissaa pillugu Naalakkersuisut piumasaqaatinik aalajangersaasinnaapput imaluunniit aalajangiussaqaarsinnaapput.””.



## § 2-mut

**18. § 2** imatut oqaasertalerneqassaaq:

” Inatsisartut inatsisaat 1. januar 2013-imi atuutilerpoq.

*Imm. 2.* Inatsisartut inatsisaata atuutilernerani nalunaarutigeriikkatut aatsitassanik misissueqqaarnernut, ujaasinernut imaluunniit atuinernut akuersissutit atuutiinnassapput. Aammattaaq Inatsisartut inatsisaata atuutsinneqalernerani Inatsisartut inatsisaat akuersissutinut taama ittunut, akuersissutit taama ittut naapertorlugit pisinnaatitaaffeqartunut, kiisalu aatsitassanut inatsimmut ilaasunik ingerlatanut, taamaattorli imm. 3 takuuk.

*Imm. 3.* Inatsisartut inatsisaata matuma atuutsinneqalernerani aatsitassanut inatsimmi § 16 naapertorlugu nalunaarutigineqartutut aatsitassanik ujaasinissamut imaluunniit atuinissamut akuersissutinut Inatsisartut inatsisaanni § 18, imm. 4, inatsisartut inatsisaani matumani § 1, nr. 2 atuutinngilaq. Taamaattorli aatsitassanut inatsimmi § 16 naapertorlugu akuersissutaasoq naapertorlugu Naalakkersuisut aamma pisinnaatitaaffeqartup ataatsip akornanni allamik annertussusilikkatut isumaqatigiissutaasumut, aammalu akuersissummut tapiliutip nalunaarutigineqarneratigut Naalakkersuisunit aalajangerneqartumut atuuttuunngilaq.”.

Siunnersuummut oqaaseqaatit

### **Oqaaseqaatit nalinginnaasut**

Allannguutissatut siunnersuut siunnersuutip Inuussutissarsiornermut Ataatsimiititaliap siunnersuummik samminnissimaneranut, aammalu siunnersuutip danskisuuani kalaallisuuani oqaasertani naapertuuttoqannginneranik paasisaqarnermut malitsigisitatut saqqummiunneqarpoq.

### **Siunnersuummut aalajangersakkanut ataasiakkaanut oqaaseqaatit**

Nr. 1-imut

Allannguut qulequtaanut inatsisilioriaatsikkut naqqiutaavoq.

Nr. 2-mut

Danskisuuata aamma kalaallisuuata akornanni naapertuuttoqannginnerata nassatarisaanik allannguut inatsisilioriaatsikkut naqqiutaavoq.

### Nr. 3-mut

Allanngineq siunnersuutaaqqaartumi imm. 5-ip allatut oqaasertalersorneqarnerata siunnersuutigineqartut § 3 c-p oqaasertalersorneqarnerani nr. 5-imullu nuunneqarnerata kinguneraa.

### Nr. 4-mut

Inuussutissarsiornermut Ataatsimiititaliamit kissaatigineqartoq tunngavigalugu maalaaruteqarsinnaasunut nalunaarsuinerup ilorraap tungaanut naatsorsuusiornissaq pillugu allannguut tunngaveqarpoq.

### Nr. 5-imut

Inuussutissarsiornermut Ataatsimiititaliamit kissaatigineqartoq tunngavigalugu maalaaruteqartarfiup sap. akunnerinit 4-aniit 6-inut sivitsorneqarnissaa pillugu allannguut tunngaveqarpoq.

### Nr. 6-imut

Oqartussat kikkut aalajangigassanik aalajangiisarnissaat pillugu erseqqissaanissaq allannguutip siunertaraa. Aatsitassanut inatsisip § 3-at malillugu pissutsit suulluunniit aatsitassanut tunngasut oqartussani qulliusuni ataatsimoortutut isumagineqarnissaat Naalackersuisut qulakkiissavaat,

Taamaammat paragraffikkut aaliangerneqarpoq aatsitassanik misissuinissamut piaanissamullu akuersissutit pillugit tunniussinerit, allannguutit pingaaruteqartut, tunisinerit, akuersissummik utertitsineq aamma utertitsinissamut akuersinerit pillugit, kiisalu pissutsit inuiaqatigiinnut imaluunniit avatangiisinut pingaarutilimmik sunnuteqarsinnaasut pillugit Naalackersuisunit aalajangerneqartassasut, aalajangikkat aalajangersimasut Aatsitassanut Aqutsisoqarfimmit imaluunniit Avatangiisinut Aqutsisoqarfimmit aalajangiiffigineqartussanngorlugit Naalackersuisut maleruagassanik aalajangiisimangippata.

Nalinginnarmik suliassa qarfiit immikkoortiterneranut paragraffi tunngasuteqanngilaq, taamaallaalli aatsitassanut inatsimmut tunngatillugu aalajangiinnaatitaaffimmut tunngavoq. Inuussutissarsiornermut Naalackersuisunut ilaasorta q suliassa qarfimmut akisussaaffeqartoq suliassa qarfimmut politikkikkut akisussaassaaq, taamaalillunilu naalackersuisoqarfigisani aqutugalugu inuussutissarsiornermut politikkip pingaarnerutitap ilaatut pilerisaarinerit, inatsisiliornissamut pilersitsinerit il.il. isumagissavai.

Taamaalilluni paragraffimi pineqarpoq Kalaallit Nunaanni inatsisiliornermi nalinginnaasunik aallaavisoq, Naalakkersuisut Kalaallit Nunaanni allaffissornermi qullersatut oqartussaasut inatsisit Inatsisartunit aalajangerneqarsimasut atuutsinneqarneranni akisussaasut, taakkulu malillugit aalajangigassanik aalajangiisartuusut. Taassumattaq tunngavik ingerlateqqippaa akisussaaffik qitiusumik allaffissornermi immikkoortumut Naalakkersuisut suliakkiissutigisinnaagaat, matumanili pineqartumi Aatsitassanut Oqartussanut killilerneqarluni.

#### Nr. 7-imut

Pissutsinik inuiaqatigiinnut imaluunniit avatangiisinut annertuumik sunniuteqarsinnaasut pillugit aalajangiisoqartinnagu Inatsisartut ataanni ataatsimiititaliamut pingaarutilimmut ilisimatitsisarnissaq pillugu Inuussutissarsiornermut Ataatsimiititaliap kissaatigisaanik allannguut patsiseqarpoq.

Ilisimatitsinerup annertussusissaanut tunngatillugu Naalakkersuisut ataatsimiititaliarlu pingaaruteqartuusooq kingornatigut erseqqinnerusumik isumaqatigiissuteqarnissaat tunngaviuvoq .Teknikkikkut annertuumik nalunaarusianik nassuiaateqarfigisanik ataatsimiititaliaq artukkorsorneqassannginneranik aalajangersakkamut siunertarinqanngilaq, pineqartulli pingaaruteqarnerpaat saqqummiunneqartassallutik.

#### Nr. 8-mut

Allannguuteqarneq Inuussutissarsiornermut Ataatsimiititaliap siunnersuutaanik tunngaveqarpoq.

#### Nr. 9-14-imut

Danskisuuata aamma kalaallisuuata akornanni naapertuttoqannginnerata nassatarisaanik allannguut inatsisilioriaatsikkut naqqiutaavoq.

#### Nr. 15-imut

Danskisuuata aamma kalaallisuuata akornanni naapertuttoqannginnerata nassatarisaanik allannguut inatsisilioriaatsikkut naqqiutaavoq. Ilutigalugulu § 45 b atorunnaarsinneqarpoq, nassataralugu kingunerisatut naqqiuteqartitsinerit, aammalu § 45 f-imik ilanngussisoqarpoq.

#### Nr. 16-imut

Siunnersuutip Inuussutissarsiornermut Ataatsimiititaliamit siunnersuummik

sammineqarnerata malitsigaa, kissaatigineqarmallu inatsisip oqaasertaani immini erseqqissaatigineqassasoq inuiaqatigiinnut akornutaanngitsumik piujuartussat pillugit isumaqatigiissut sunaanersoq ilaatigut imaritinneqarsinnaanersoq (IBA pillugu isumaqatigiissut). Taamaalilluni eqqarsaatigisassat pingaaruteqartut isumaqatigiissutip imarisinnaasai allannguutip erseqqissaatigai.

#### Nr. 17-imut

Allannguut periutsip atuuttup erseqqissarneraa, tamatuma kingornatigut Naalakkersuisut pisinnaatitaaffeqartuni taassuma pilersuisooqataasut il.il. uppersaatiniq nassitsisarnissaannik isumannaarinissaanik piumasaqaateqarluni, ilaatigut akileraartarnermut aqutsisoqarfiup eqqortumik akileraartitsinermik assigiissaarinnissamik suliaqarsinnaaneranik isumannaarinissamik siunertaqartumik. Pissuserisartakkat malillugit ilusilerneqarnera pineqarmat, naallu ullumikkulli aatsitassanut inatsit tamatumunnga atuutsitsinissamut inatsisitigut najoqqutassaraluartoq aatsitassanut inatsimmi arlaatigut najoqqutaasaraluartoq erseqqissaaviginissaa eqqornerussasutut isummiunneqarsimavoq.

#### Nr. 18-imut

Allannguut inatsisilioriaatsikkut naqqiutaavoq.